



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK



USAID
OD AMERIČKOG NARODA

Broj: 02-49-2-1622-5/16

Datum: 24.02.2017.godine

Na osnovu Ugovora o dodjeli granta USAID Programa podrške marginaliziranim grupama, Budžeta Općine Tešanj za 2017. godinu i člana 30. Statuta Općine Tešanj („Službeni glasnik Općine Tešanj“ broj 11/07) Općinski načelnik objavljuje

JAVNI POZIV

za finansiranje biznisa za marginalizirane grupe žena

Program podrške marginaliziranim grupama žena (ženama žrtvama nasilja, samohranim majkama, nezaposlenim mladim ženama mlađim od 35 godina, ženama s invaliditetom ili s djetetom s invaliditetom, nezaposlenim ženama koje žive i koje će svoju djelatnost obavljati u ruralnim sredinama) u razvoju biznisa ne predstavlja samo takmičenje između projekata za novi biznis nego je usmjeren ka poticaju žena da same osnivaju preduzeća ili obrt.

Organizaciju ovog programa vodi Općina Tešanj u saradnji s USAID/PPMG na temelju ciljeva iz strateških dokumenata Općine Tešanj. Ovim programom su definisane pojedinosti u smislu uslova za učešće na takmičenju, organizacije takmičenja i načina za odabir pobjedničkih ideja, kao i sklapanje ugovora za one koji odluče krenuti s realizacijom dostavljenog poslovnog plana.

Ko može aplicirati?

Na konkursu mogu učestvovati žene, pojedinačno ili u grupi, koje se u momentu podnošenja prijave ne mogu okarakterisati kao preduzetnici. Učestvovati mogu i žene koje su nekada bile preduzetnici ali to nisu zadnjih šest mjeseci do objave javnog poziva. Prijave mogu podnijeti punoljetne žene, s prebivalištem na području općine Tešanj, koje imaju poslovnu ideju i žele je realizovati kroz započinjanje vlastitog poslovnog poduhvata na području općine Tešanj.

Očekuje se i ohrabruje prijavljivanje i učešće timova u kojima je oko jedne poslovne ideje okupljeno više žena. Šansa da poslovni plan bude realizovan, uz saglasnost podnosioca plana (u slučaju da podnosilac plana ne odluči ući u realizaciju poslovnog plana), veća je ukoliko biznis plan bude imao sve relevantne i realne pokazatelje uspješnosti. Jedan tim, odnosno samostalni podnosilac, može prijaviti više poslovnih planova. Ista osoba ne može biti član dva tima, niti istovremeno prijaviti ideju kao samostalni podnosilac i biti član jednog tima.

Ko ne može aplicirati?

Javni poziv je namjenjen podršci marginaliziranim grupama žena, te se prijave pojedinaca ili tima u kojem je voditelj tima muškarac neće uzeti u razmatranje. Nepotpune i neblagovremene prijave se neće uzimati u razmatranje.

Kriteriji za ocjenu poslovnih planova su: kvalitet poslovnog plana, vrsta djelatnosti, visina i vrsta investicije, održivost, inovativnost, uticaj na životnu sredinu i broj zaposlenih.

Kakva ideja se može obraditi kroz poslovni plan?

Ideja koja se prijavljuje mora se obraditi kao poslovni plan, ideje u svim djelatnostima osim trgovine i ugostiteljstva (izuzev originalnih ideja vezanih za turizam i domaće proizvode), pod uslovom da se realizira na području općine Tešanj. Zamišljenu poslovnu ideju treba pretočiti u poslovni plan prema originalnom obrascu prijave i na način kako je to obrazloženo u „Uputstvu o načinu popunjavanja prijave“. Prijava poslovne ideje mora biti predana pod šifrom, a uz poslovnu ideju u posebnoj zatvorenoj koverti dostaviti podatke o podnosiocu prijave (podatke sa prve stranice Prijave) i potrebnu dokumentaciju (biografiju, dokaz o pripadanju marginaliziranoj grupi i dokaz o prebivalištu).

Odgovornost za originalnost poslovne ideje isključivo je na podnosiocu ideje.

Komisija za ocjenu poslovnih planova će prema jedinstvenim kriterijima izvršiti vrednovanje poslovnih planova, a prednost će imati timski prijedlozi, ukoliko je utvrđen približan kvalitet podnesenih planova (do 5%).

Prva faza

Javni poziv je otvoren od 07. marta do 20. aprila 2017. godine.

Druga faza

Objava rezultata javnog poziva izvršit će se do 15. maja 2017. godine, nakon čega će se obaviti intervju i donijeti konačna odluka o izboru.

Treća faza

Sklapanje ugovora s podnosiocima zahtjeva u kojima će se definisati prava i obaveze Općine Tešanj, USAID/PPMG i podnosioca aplikacije.

Tajnost i povjerljivost plana

Da bi se zaštitili svi podnosioci aplikacija i onemogućila zloupotreba povjerljivih informacija izloženih u poslovnim planovima, članovi Komisije za ocjenjivanje i zaposleni u Općini Tešanj, te druge osobe koje su uključene u realizaciju ovog programa obavezuju se na zaštitu povjerljivosti i tajnost.

Podrška Općine Tešanj

Općina Tešanj će tokom javnog poziva u saradnji s USAID/PPMG osigurati edukaciju za sve zainteresovane u pogledu popune obrasca aplikacije i odgovoriti na sva dodatna pitanja. Prva edukacija će se održati 23.03.2017. godine. u sali Općinskog vijeća Tešanj s početkom u 12 sati. Druge edukacije će se održati prema iskazanom interesu. Uz ovaj poziv, na općinskoj web-stranici nalazi se i jedan primjer popunjene aplikacije. Općina Tešanj će za uspješno ocijenjene bisnis planove osigurati troškove registracije firme, dio ili u cijelosti troškove zakupnine prostora u prve dvije godine obavljanja djelatnosti, te dio ili u cijelosti trošak zdravstvenog i penzionog osiguranja u prvoj godini obavljanja djelatnosti, dio ili u cijelosti troškove nabavke opreme, materijala i drugo. Ukoliko poslovni plan bude uspješno ocijenjen, a podnosilac nije spreman isti sam realizovati, takav plan će se ponuditi bilo kome za realizaciju, uz dogovorenu naknadu s podnosiocem aplikacije. Općina Tešanj će podnosiocima poslovnih planova koji budu uspješno ocijenjeni uputiti na određene adrese radi podrške izvora finansiranja.

Ciljevi javnog poziva

Probuditi preduzetnički duh među marginaliziranim grupama žena; motivirati početnice i kreativne pojedince s inovativnim i provedivim poslovnim idejama; obuka o procesu stvaranja novih poslovnih mogućnosti; omogućiti ženama stvarno pokretanje vlastitog posla.

Kontakt:

Telefon: 032/653-915

E-mail: tamara.turkic@opcina-tesanj.ba


Web: www.opcina-tesanj.ba

Prijave s dokumentacijom (biografija, dokaz o pripadanju marginaliziranoj grupi, dokaz o prebivalištu, potvrdu o nezaposlenosti i izjavu da nisu osuđivane za krivična djela protiv privrede i krivična djela protiv imovine ovjerenu u Općinskom organu uprave) podnose se s naznakom "Za Komisiju za dodjelu sredstava u sklopu Programa podrške marginaliziranim grupama žena", u zatvorenoj koverti preporučeno na adresu: Općina Tešanj Trg Alije Izetbegovića broj 1 ili lično predati u prijemnoj kancelariji Općine Tešanj.

Dostavljeno:

1. Mediji

2. Arhiva


OPĆINSKI NAČELNIK
Mr.šć. Suad Huskić